



FRIEDRICH NAUMANN
FOUNDATION For Freedom.
Human Rights Hub

ვიტსა და გეტერის ისჯომი

ვიტსა და გეტერი (WIESTE DE GEYTER), ბელგიის მოქალაქე, სოციალური მედიის ექსპერტი, რომელიც 2021 წლიდან დღემდე, საქართველოში ცხოვრობდა ბინადრობის ნებართვის საფუძველზე. მას ბრალად ედება პოლიციისთვის წინააღმდეგობის გაწევა და წვრილმანი ხულიგნობა.

ვიტსა და გეტერი 7 დეკემბერს, პროვოკაციული საკრთხეხტო აქციის დარბევის დროს დააკავეს. მნიშვნელოვანი ფაქტია, რომ ის აქციაზე სართოდ არ იმყოფებოდა, მეგობრებთან ერთად რესპუბლიკის მოედნის მიმდებარედ იმ მომენტში მივიდა, როდესაც შსს-ს წარმომადგენლები აქციის მონაწილეებს დასდევდნენ და თვითნებურად აკავებდნენ. დაკავებამდე ვიტსა და გეტერი გადმოდიოდა სამარშრუტო ტაქსიდან და დაინახა, თუ როგორ არბევდნენ შინაგან საქმეთა სამინისტროს თანამშრომლები აქციას, იგი გადავიდა ტროტუარზე და რუსთაველის მეტროს მიმდებარე ტერიტორიაზე, მაკდონალდის მიმართულებით დაიწყო გადაადგილება. სწორედ იმ მომენტში, მას დაახლოებით 5-6 სპეცრაზმელი მივარდა და დაიწყეს მისი ძალის გამოყენებით დაკავება. სპეცრაზმელებს არ ჰქონიათ მისი დაკავების საფუძველი და თვითნებურად, ფიზიკური ძალის გამოყენებით მოათავსეს პოლიციის ე.წ. „დაკავების ბანქანაში“ - მინივანში.

პოლიციელებმა დაკავებისას დაზარალებულის მიმართ არაკროკოტრციული ძალა გამოიყენეს. „დაკავების ავტომობილში“ მასზე განხორციელდა ფიზიკური ძალადობა, კერძოდ ურთყამდნენ სხეულის არეში, რათა დაზიანებები სახეზე არ ჰქონოდა. შემდეგ, დაკავებულს სხეულზე დაზიანებები აღენიშნებოდა, ტანსაცმელი კი დასისხლიანებული ჰქონდა. აღნიშნულ ფაქტთან დაკავშირებით მას სპეციალური საგამოძიებო სამსახურის გამომძიებელიც გაესაუბრა იზოლატორში ყოფნისას. მას შემდეგ, რაც პოლიციელებმა დაადგინეს, რომ ვიტსა და გეტერი იყო ბელგიის სამეფოს მოქალაქე, ფიზიკური ძალადობა შეწყვიტეს.

დაკავების შემდეგ ბელგიის მოქალაქე ავჭალის დროებითი მოთავსების იზოლატორში გადაიყვანეს, სადაც 48 საათის განმავლობაში იმყოფებოდა. 9 დეკემბერს, როდესაც ვიტსა და გეტერი იზოლატორს ტოვებდა, ადგილზე შსს-ს მიგრაციის დეპარტამენტის წარმომადგენლები დახვდნენ და დაიბარეს გამოკითხვაზე მიგრაციის დეპარტამენტში.

ბელგიის მოქალაქის მიმართ შედგა ადმინისტრაციული სამართალდარღვევის ოქმი სამართალდარღვევათა კოდექსის 166-ე და 173-ე მუხლის პირველი ნაწილით გათვალისწინებული ქმედებების საფუძველზე. მისი სასამართლო გაიმართა 2024 წლის 12 დეკემბერს, საქმე განიხილა მოსამართლე კობა ჩაგუნავამ.

სასამართლო სხდომაზე, მოწმის სახით გამოიკითხა ორი პოლიციელი, რომლებიც განმარტავდნენ, რომ მათ დააკავეს ვიტსა და გეთერი. რეალურად არცერთი მათგანი არ იყო დაგკავებული პოლიციელი. შესაბამისად, სასამართლო სხდომაზე მათ არსებითად ურთიერთსაინააღმდეგო ჩვენებები მისცეს. მოწმე პოლიციელები აღნიშნავდნენ, რომ ვიტსა და გეთერი ქართულად იგინებოდა და ილანძლებოდა, მაშინ როდესაც დაზარალებულმა საერთოდ არ იცის ქართული ენა. საქმეზე წარმოდგენილი არ იყო არცერთი ობიექტური მტკიცებულება, რომელის დაადასტურებდა სამართალდარღვევის ჩადენას.

დაცვის მხარემ სასამართლოს წარუდგინა ვიტსა და გეთერის დაკავების კადრები, რაც გამორიცხავდა და აქარწყლებდა მოწმე პოლიციელების მიერ მიცემულ ჩვენებას. აღნიშნული კადრები ასევე ადგენდა ობიექტურ ფაქტობრივობას, რომ რეალურად ვიტსა და გეთერს არანაირი სამართალდარღვევა არ ჩაუდენია. მოსამართლე კობა ჩაგუნავამ ვიტსა და გეთერის ადმინისტრაციული სამართალდარღვევის საქმე ნაწილობრივ შეწყვიტა, კერძოდ ადმინისტრაციული სამართალდარღვევათა კოდექსის 166-ე მუხლის ნაწილში, ხოლო 173-ე მუხლის ნაწილში იგი ცნო სამართალდარღვევად. სასჯელის სახით მას განესაზღვრა სიძუქიერი შენიშვნა.

ამ დროისთვის დასაბუთებული გადაწყვეტილება ვიტსა და გეთერის საქმეზე არ არის დაწერილი და მოსამართლე კობა ჩაგუნავას მიერ ხელმოწერილი. დაცვის მხარემ უკვე წარადგინა სასამართლოში მოთხოვნა საქმის მასალებისა და დასაბუთებული გადაწყვეტილების ჩაბარების თაობაზე.

არსებული ინფორმაციით, სპეციალურ საგამოძიებო სამსახურს მომხდარზე გამოძიება არ დაუწყია. მიუხედავად იმისა, რომ ინახულა ვიტსა და გეთერი დროებითი მოთავსების იზოლაციაში და ჰქონდა ინფორმაცია მის მიმართ განხორციელებულ არასათანადო მოპყრობაზე.

უფრო მეტიც, სახელმწიფო სტრუქტურების რეაგირება დაკავებულის მიმართ გამოიხატა ისეთ სადამსჯელო და რეპრესიულ მექანიზმში, როგორიცაა საქართველოში შემოსვლაზე უარი.

დაზარალებული 2024 წლის 22 დეკემბერს ბელგიაში, საშობაო არდადეგაზე გაემგზავრა. როდესაც იგი უკან ბრუნდებოდა, 2024 წლის 30 დეკემბერს, შინაგან საქმეთა სამინისტროს საკუთრლო პოლიციის თანამშრომლებმა ის არ შემოუშვეს საქართველოს ტერიტორიაზე და გააბრუნეს ბელგიაში. საქართველოში შემოსვლაზე უარის თქმის საფუძველად მას განესაზღვრა „კანონმდებლობით გათვალისწინებული და სხვა საფუძველი“. ვიტსა და გეთერს არ განუმარტეს, რეალურად რის გამო ეთქვა მას საქართველოში შემოსვლაზე უარი. თუმცა, არსებობს გონივრული ეჭვი, რომ ვიტსა და გეთერი საქართველოში არ შემოუშვეს არსებული ადმინისტრაციული სამართალწარმოებისა და მისი საპროტესტო აქციის მიმდებარედ გადაადგილების გამო.

ვიტსა და გეთერი საქართველოში ბინადრობის ნებართვის საფუძველზე ცოლთან ერთად ცხოვრობს. მისთვის ქვეყანაში შემოსვლაზე უარის თქმა ქმნის კითხვის ნიშნებს მიმდინარე სამართლებრივი პროცესებისა და შესაბამისი საფუძვლების კანონიერების თაობაზე.

საქართველოში შემოგზავნაზე უარის თქმის შესახებ გადაწყვეტილება 2024 წლის 31 დეკემბერს გასაჩივრდა ზემდგომ ადმინისტრაციულ ორგანოში.